

周

易

周易下經

咸亨利貞取女吉

艮上
兌下

二氣相與造化之感止說相應人已之感二少相求
男女之感故為咸人有所感則情浹洽而亨然必自
然之感不流非道之悅而貞如取女然斯保其亨而
吉矣

彖曰咸感也

咸者彼此交相感也造化人物亦然
柔上而剛下二氣感應以相與止而說男下女是以亨

利貞取女吉也

柔上剛下二氣之感正止而說人已之感正男下女
男女之感正此皆貞而吉亨之本是以感無不亨而
必貞如取女則吉也

天地感而萬物化生聖人感人心而天下和平觀其所
感而天地萬物之情可見矣

天地以氣感而萬物以氣化以形生矣聖人以心感
而天下无乖戾无及側夫以所感而究現之凡天地
之施受萬物之應求不期感而感者其情不可見耶

極言感通之理

象曰山上有澤咸君子以虛受人

山虛故受澤心虛斯受感故君子不著我見不主先入虛中以受天下之感焉

初六咸其拇

拇音其

居咸之初感于最下事未未而欲迎物未交而思赴咸拇之象。拇足大指也咸以人身取象

象曰咸其拇志在外也

外未感而志先馳非感而後應者

六二咸其腓凶居吉

陰柔不能同守物未輒動躁妄之凶所自致也然有中正之德能居其所則反躁為靜无感不通而吉矣。腓足肚也

象曰雖凶居吉順不害也

順理而應自無妄動之害

九三處其股執其隨往吝

二爻皆欲動者三六不能自守是人役于感彼六因之專以隨人為主而執之不變者也如是而往感必不通吝也

象曰處其股亦不處也志在隨人所執下也

二爻陰躁三六不處志在隨人所執卑下

九四貞吉悔亡憧々往來朋從爾爾

心之感物當正而固九四以陽居陰失其正固宜有悔矣故戒以能正而固感忘感應忘應則有順應无

偏主吉而悔亡者，惟于往憧，于來則以思窮物者，必以物窮思，但其朋類，後其思所到，再不復及遠而通天下矣。

象曰：貞吉悔亡，未感害也；憧憧，往來未光大也。

不正而感有害，正則未累于感，何害？憧憧，往來則私意橫于胸中，豈得光大。

九五咸其脢，无悔。

是孤介絕物而无一應接者，僅可无私感之悔耳。象曰：咸其脢，志末也。

心通天下，不能感物，則其志淺末矣。

上六咸其輔頰，舌。

陰居說終度感之極感人以言而无其實為咸其輔
頰舌之象

象曰咸其輔頰舌滕口說也

僅騰口說以悅人感道之衰

巽上下

恒亨无咎利貞利有攸往

恒常久也學能常久則有貫通无作輟亨且无咎然
天下无不恒之心而容有不正之恒故必所恒者得
所常久之道方可措之事業而无不利也

彖曰恒久也剛上而柔下雷風相與巽而動剛柔相應

恒

恒者久之義也。剛上柔下，雷風相與，造化之恒。巽順而動，人事之恒。剛柔相應，人情之恒。故名恒。

恒亨无咎，利貞，久於其道也。

恒，固能亨且无咎矣。然必利于正，乃為久於其道。不正則久，非其道矣。天地之道，所以長久，亦以正而已矣。况人乎？此恒所以利貞也。

利有攸往，終則有始也。

久於其道，終也。利有攸往，始也。學問之終，便是經綸之始。而往斯利矣。

日月得天而能久照，四時變化而能久成。聖人久於其道，而天下化成。觀其所恒，而天地萬物之情可見矣。

極言恒久之道日月得處乎天而久照于上四時陰陽變化而久成乎時聖人至誠无息而天下化而成俗更以所恒觀之清寧不毀生息有常是天地萬物之理皆洩于恒之大如此

象曰雷風恒君子以立不易方

常久不易之道所謂方也君子見得真守得定任千變萬化而所立不易斯于恒深矣

初六浚恒貞凶无攸利

初與四應理之常也上下相隔勢之變也初不度勢其性穩入而深以常理求之言欲其後計欲其聽浚恒之象也雖所求極正然不量而入徒自取辱凶也

何利

象曰浚恒之凶始求深也

始交尚淺而深有所求其凶宜也

九二悔亡

以陽居陰行有不慎本常有悔以其久中則存心有常而本體不虧故能圖回補道而悔亡也

象曰九二悔亡能久中也

中者恒性恒性不失故能改圖

九三不恒其德或承之羞貞吝

位雖得正然過到不中志從于上不能久于其所而易志于利達者也夫節一隳國人皆賤為不恒其德

或承之羞之象正而不恒何吝如之

象曰不恒其德无所容也

象口文責无可自容

九四田无禽

以陽居陰久非其位是所久者偏見曲學无裨德業
猶田于无禽之地而安所獲也

象曰久非其位安得禽也

位即道也久非其道何補德業

六五恒其德貞婦人吉夫子凶

以柔中應到中常久不易是以順從臣下之德為貞
而恒守不變者也順從在臣則可在君則不可故曰

婦人吉夫子凶

象曰婦人貞吉從一而終也夫子制義從婦凶也

臣猶婦也忠順不失如婦從夫而終則吉君尤夫也
當上義斯君從臣如從婦則凶

上六振恒凶

恒極則不常震終則過動又陰柔不能固守居上非
其所安是大臣一意紛更以振為恒者也誤國擾民
凶孰甚焉

象曰振恒在上大无功也

在上振恒貽害不小

艮
上下
乾

遯亨小利貞

二陰浸長陽當退避故為遯九五當位而應似猶可為但二陰浸長其勢不可不遯故君子能遯則身雖退而道亨小人則利于守正不可以浸長而遂侵逼于陽也

彖曰遯亨遯而亨也剝當位而應與時行也

遯亨者遯而後亨也五剝當位君子有可為之德而二應之小人有包承之志似可無遯而時止示其机矣及此時而去之早此謂嘉遯所以亨也

小利貞浸而長也

陰浸長故戒之

遯之時義大矣哉

與時偕行遯之時義此非有見有守者不能故大

象曰天下有山遯君子以遠小人而惡而嚴

天休無窮山高有限遯之象也君子以遠小人不必
大声厲色惟度不苟循其自守之常而小人自不能

近

初六遯尾厲勿用有攸往

遯而在後去之不早尾之象危之道也况往乎勿往
而悔處靜侯可也

象曰遯尾之厲不往何災也

遯而不往何災之有

六二執之用黃牛之革莫之勝說

中順自守執意卷懷人真能解必遯之志也

象曰執用黃牛固志也

謂固守其遯志

九三係遯有疾厲畜臣妾吉

下比二陰雖就小人不能自遠當遯而有所係戀之象不惟失節亦且中傷有疾而危矣蓋此係戀惟畜臣妾則吉耳奈何以處遯

象曰係遯之厲有疾憊也畜臣妾吉不可大事也

緣君子狎昵困頓如有疾憊所以卒受其厲云處大事可以係戀處之耶

九四好遯君子吉小人否

下應初六與小人有私好者而乾体剛健則有所好而能絕之以遯也此惟自克之君子能之以獲吉而小人否也

象曰君子好遯小人否也

九五嘉遯貞吉

陽剋中正其德可為下應六二亦柔順而中正又包承者乃與時偕行善歲其用遯之嘉美者也則正而身名兩全吉矣

象曰嘉遯貞吉以正位也

正其志而无係好故嘉遯

上九肥遯无不利

以剝陽居卦外下无係應是理乱不聞接遠自足遯之遠而處之裕者也逸民高蹈无入不得故无不利

象曰肥遯无不利无所疑也

无疑于富貴功名亦无疑于毀譽得失心无所疑故身无所係

乾下
震上

大壯利貞

四陽盛長君子滿朝故為大壯然必貞自治戒非礼而毫元自恃其壯之意乃為利耳

象曰大壯大者壯也剝以動故壯

剛長過中充滿朝端大者壯也為壯于勢乾剛震動
功業自隆所以壯也為壯于理故名大壯

大壯利貞大者正也正大而天地之情可見矣

又曰利貞者蓋為天下之大人必秉天地之至正大
者自正也即此正大究言之天地之情无私覆載而
无不覆載是天地固此正大也豈天地合德者而弗
正乎此大壯所以利貞

象曰雷在天上大壯君子以非禮弗嚴

非礼弗履則所履皆私欲淨盡浩氣獨存壯孰大此
初九壯于趾征凶有孚

剛陽處下而當壯時恃才力而壯于進以是而往其

凶必矣

象曰壯于趾其孚窮也

言必困窮孚必也

九二貞吉

以陽居陰不免恃壯已非貞矣然所處得中犹可因
中求正相其机審其勢則進可遂而吉矣

象曰九二貞吉以中也

心无偏故事无過一念不敢用壯而肯壯于進乎

九三小人用壯君子用罔貞厲羝羊觸藩羸其角

過剝不中是小人方用壯而君子亦用罔蔑視天下
旁若無人也如此則雖心亦危犹羝羊觸藩而自用

其角何利乎

象曰小人用壯君子罔也

小人用壯无責矣君子宜慎重何如而乃用剛也

九四貞吉悔亡藩決不羸壯于大與之輟

以陽居陰不極其剝履壯之貞也則行利而心愜吉也何悔以此取象于羊猶藩決不羸可進之勢也取象于輿猶壯于大與可進之共也所謂吉悔亡如此

象曰藩決不羸尚往也

不極其剝上往之道故曰藩決不羸

六五喪羊于易无悔

以柔居中則壯頓失而不自覺喪羊于易之象雖无

羸角之悔然其如尚往何

象曰喪羊于易位不當也

柔中位當在壯則為不當故失其剛

上六羝羊觸藩不能退不能遂无攸利艱則吉

壯終動極而廢本柔乃恃壯妄進一退而失猶羝羊

觸藩不退不遂何利此惟不艱至此幸其不到故能

艱以處則終遂其進而吉也

象曰不能退不能遂不詳也艱則吉不長也

不詳謂不詳審于時勢

離坤上下

晉康侯用錫馬蕃庶晝日三接

卦有以德乘時遇主上進之義故為晉人臣遇此當
為康國之侯而用是受寵于君多受大賜而顯被親
禮此千載之巡也

象曰晉進也

明出地上順而農乎大明柔進而上行是以康侯用錫
馬蕃庶晝日三接也

錄功以時居功以德報功以君明出地上世道清明
有時矣臣順農明恭順不伐有德矣柔進上行微柔
在御有君矣是以成安國之奇勲而膺寵任之殊遇
象曰明出地上晉君子以自昭明德

自德本明撤其蔽澄其天我自明之而已

初六晉如摧如貞吉罔孚裕无咎

以陰居下應不中正有欲進見摧之象此惟重道義
惜名節如是守正終當見信而吉設不為人所信亦
當處以寬裕而不失其貞則无咎也

象曰晉如摧如獨行正也裕无咎未受命也

獨行正道所以見摧未受官守之命宜有綽綽之風
六二晉如愁如貞吉受茲介福于其王母

六二中正上無應援故欲進而愁是惟守正俟時終
必升聞明主而且大獲主眷不亦吉而受茲介福于
王母乎○王母指六五介大也

象曰受茲介德以中正也

中正之德明主必求

六三象允悔也

三不中正宜不得進而悔者以其與下二陰皆欲上進是以心孚道同為衆所信亦可上進而悔也象曰象允之志上行也

象允之者以三志欲上行也志同則心自孚。信友可以獲上

九四晉如鼫鼠貞厲

不中不正以竊高位患得患失貪而畏人者也故為鼫鼠之象雖位出公朝貞也終必失之厲矣

象曰鼫鼠貞厲位不當也

无德陰據豈能久乎

六五悔亡失得勿恤往吝无不利

以陰居陽治道微有未純宜有悔矣以大明在上而下皆順從則其悔亡又一切去其計功謀利之心而治效失得置之勿恒則王心純王化溥往吉而无不利也

象曰失得勿恤往有慶也

有純王之心自有純王之化。慶即吉无不利

上九晉其角維用伐邑厲吉无咎貞吝

剝進之極純以猛躁用事晉角之象此安用之維用以伐私邑則雖戰危而吉且无咎然以極剝治小邑

雖得其正亦可吝矣過則不可用如此

象曰維用伐邑道未光也

不能明德以照四方故曰未光

離上下

明夷利艱貞

日入地中明而見傷之象故為明夷上六暗主六五
近之以宗臣遇暗主利于隱忍委曲艱難守正而自
晦其明也

象曰明入地中明夷

日入地中猶陽明君子傷于柔暗故名

內文明而外柔順以象大難文王以之

有文明柔順之德而蒙國家大難是明而見傷古之人有用此者文王是也

利艱貞晦其明也內難而能正其志箕子以之

利艱貞者言韜晦其明不外見也蓋五近上暗是當內難而能正志于內不形于外是所謂晦其明也古之人有用此者箕子是也

象曰明入地中明夷君子以莅衆用晦而明

君子本無不明第非以明為明也用晦而明耳言不察以以為明

初九明夷于飛垂其翼君子于行三日不食有攸往主人有言

道已不行猶飛而垂翼見傷之象君子行而不食亦所不恤然其如所如不合何

象曰君子于行義不食也

惟義所在不食可也

六二明夷夷于左股用拯馬壯吉

去闇猶遠傷而未切割奪所加猶夷于左股去之速則免矣故當用馬壯之疾以救之

象曰六二之吉順以則也

可速則速順而中乎處夷之則

九三明夷于南狩得其大首不可疾貞

以剄居剄又在明體之上而屈于至暗之下故有向

明除害得其首惡之象然放伐大事不可亟也故有不可疾貞之戒

象曰南狩之志乃大得也

有南狩之志乃可成乎伐之功而大有得亢其志則篡矣

六四入于左腹獲明夷之心于出明庭

四入坤体身處昏朝猶入左腹然柔正能去居闇尚淺可去故飄然得意于遠去其所全多矣

象曰入于左腹獲心意也

六五箕子之明夷利貞

居闇地近闇君而能正其志箕子之象貞之至也

象曰箕子之貞明不可息也

箕子之貞晦其明者也明不可息故不可不晦；其明正所以全其明而不使息

上六不明晦初登于天後入于地

陰居坤極不明其德以至于晦始則處高位以傷人之明終必至于自傷而墜厥命

象曰初登于天照四國也後入于地失則也

照四國以位言

巽離上下

家人利女貞

卦之九五六二內外各得其正故為家人家不正恒

起於婦人難正亦莫如婦人故齊家者務修身以正
乎內內正則外无不正矣

象曰家人女正位乎內男正位乎外男女正天地之大
義也

釋利女貞女正乎內毫不與外男正乎外毫不內牽
此是陰陽唱和古今不易之定理非天地大義乎。
天地即陰陽

家人有嚴君焉父母之謂也

內外一正何等嚴肅可見家有嚴君、謂誰謂此
正內正外之父母也

父、子、兄、弟、夫、婦、而家道正正家而天下

定矣

自有嚴君而父子兄弟夫婦各正其所而家道正正
家而天下之為父子兄弟夫婦者定矣正家所係如
此然皆自內正始故利女貞

象曰風自火出家人君子以言有物而行有恒

風自火出猶化自家出言有物實有箇事理在行有
恒實有個常道在蓋家之本在身之修則家治矣

初九閑有家悔亡

以陽剛處有家之始乘人情未流而約束防閑則倫
理正而濟亂消其悔亡矣

象曰閑有家志未變也

志未爽而預防之不傷恩不失義是為善道

六二无攸遂在中饋貞吉

柔順中止凡事統之夫子无敢攸遂惟在中饋而洒食是供耳女之正位乎内而成堯天之化者也

象曰六二之吉順以巽也

言本順德以巽從乎夫

九三家人嗃嗃悔厲吉婦子嘻嘻終吝

以剛居剛而不中治家道剛者也故有嗃嗃嚴厲之象是雖傷恩而悔厲畢竟正家而吉若使嘻嘻則嗃嗃之反縱情敗度吝之道也

象曰家人嗃嗃未失也婦子嘻嘻失家節也

鳴、未失正家之道也。嚙、則失正家之節矣。

六四富家大吉

大臣天下為家以陰居陰而在上位能以自然之利富天下之家者也。禮義附而仁讓興大吉。

象曰富家大吉順在位也

順德在位不徒得理財之權且得理財之道。

九五王假有家勿恤吉

剛健中正應于柔順中正是正外之君又得正內之君也。王者以是至于其家則陰陽交理勿用憂恤可以紀綱六宮化行天下矣。

象曰王假有家交相愛也

夫爰其內助婦爰其刑家所謂雍、在宮一德相合而成爰也

上九有孚威如終吉

以剛居終得正家久遠之道以誠信篤恩義以嚴威正倫理則家道永昌而吉矣

象白威如之吉反身之謂也

謂非作威也反身自治則人畏服之矣

兌下
離上

睽小事吉

水火異性中外異志故名睽、元可為然卦有德有勢有輔則雖不可大事而小、復動尚有吉道也

象曰睽火動而上澤動而下二女同居其志不同行
炎上潤下物情睽也同居異志人情睽也而世道之
睽可知矣

說而麗乎明柔進而上行得中而應乎剛是以小事吉
內說外明有德負柔得位有勢虛中應賢有輔故小
事吉

天地睽而其事同也男女睽而其志通也萬物睽而其
事類也睽之時用大矣哉

此見睽中有合天高地下睽也而施生之事同乾男
坤女睽也而唱隨之志通萬物不齊睽也而感應之
事類三才之用皆以睽合睽之時用故大

象曰上火下澤睽君子以同而異

君子處世同中有異

初九悔亡喪馬勿逐自復見惡人无咎

初與四非正應濟睽无助有悔也而居睽之時同德相應終得協力共濟而悔亡矣有喪馬失其所行乃勿逐而自復之象然同己之合正異己之忌故必見惡人然後免其中傷而可避忌

象曰見惡人以辟咎也

嫉惡太甚不將眾仇君子乎見之以避咎正以同同德之合

九二過主于卷无咎

二五陰陽正應而居睽時乖戾不和必委曲相求以
祈感悟而將會遇乃為元負臣責元咎

象曰遇主于卷未失道也

本其正應不可逃故致委曲豈失道乎

六三見輿曳其中掣其人天且剝元初有終

六三上九正應而三居二陽之間欲與上遇而後為
二曳前為四掣此上所當諒者而當睽時上九猜狠
方深故有剝剝之傷然邪不勝正初雖見睽後必得
合

象曰見輿曳位不當也无初有終遇剝也

位居二陽之間故未見末有終者遇上之剝也惟剝

自是以釋疑

九四睽孤遇元夫文字屬无咎

四无正應睽孤之象幸遇初九元善之夫同德相信
睽已不孤然當睽時問之者多故必危厲防微杜害
乃保其字而得无咎

象曰文字无咎志行也

大臣志在濟睽涉人共濟則志行矣

六五悔亡厥宗噬膚往无咎

以陰居陽才力不足悔也然而亡之何也二為正應
是其宗也五以虛中應之情投意合如噬膚之易往
以濟睽何咎之有信乎其悔亡也

象曰厥宗噬膚往有慶也

君臣一心可以濟睽而有慶矣

上九睽孤見豕負塗載鬼一車先殺之狐後說之狐匪
寇婚媾往遇雨則吉

上本不孤以三為二陽所制而已以到處明極睽極
猶狼羊離遂成睽孤故三本无汙而疑其汙如見豕
負塗三本无受汙之事而疑其有如載鬼一車由是
積疑成忿而殺狐斫射之矣既而其疑稍釋遂斫脫
之蓋知非寇而實親也由是疑盡釋而往從之兩情
相合如陰陽之和而遇雨則睽合而吉矣

象曰遇雨之吉群疑亡也

會合之源由群疑之夫

艮下坎上

蹇利西南不利東北利見大人貞吉

蹇行之難也艮下坎上見險而止故名蹇。時有地有輔有道乃濟而卦有擇地大人正之象故必就平易去險阻又必見大人資才德且秉至公扶正義乃利而吉也

象曰蹇難也險在前也見險而能止知矣哉

蹇有難意上坎是險難在前下艮是見險而止故名蹇夫見險而止非有大識見者不能

蹇利西南往得中也不利東北其道窮也利見大人往

有功也當位貞吉以正邦也塞之時大矣哉

四往居五而得中是據形勢而塞可濟也故利退則入艮是用險阻而其道劣也故不利又皆當位有貞之義貞則濟塞而正邦故吉三資后濟塞之所用信大

象曰山上有水塞君子以及身修德

行有不得身之塞也亦德不修致之則還及此身自省自治以脩德焉

初六往蹇來譽

大難方殷正宜俟時故往濟則遇險來而不往則得譽

象曰往蹇來譽宜待也

非不往也宜待時而往耳

六二王臣蹇：匪躬之故

柔順中正忠蓋臣也正應而上而在陰中故鞠躬盡
瘁蹇而又蹇以求濟之此為君故非為其身名利之
故也

象曰王臣蹇々終无尤也

言雖不濟然心力已盡亦无可尤况未必不濟乎
九三往蹇來反

位非王臣獨往必蹇反就二陰與之共濟則得所安
象曰往蹇來反內喜之也

內之二陰深喜其來及可不亟乎

六四往蹇來連

大臣才弱往則遇蹇連于九三合力以濟可也

象曰往蹇來連當位實也

九居三當其位實有濟蹇才德故宜來連

九五大蹇朋來

九五之蹇宗社存亡所係非常之蹇也然幸其居尊而有剛健中正之德則勢力之招徠信義之感召必有豪傑之朋來而助之者

象曰大蹇朋來以中節也

在險而有中德困頓艱難不失信義故能鼓舞豪傑

上六往蹇來碩吉利見大人

陰居陰極自往濟之蓋以蹇耳來就九五與之濟蹇則有碩大之功而吉以五本大人見之以夾大難其碩吉宜也

象曰往蹇來碩志在内也利見大人以從貴也

志在九五與之共濟故成大功德位魚貴從以固功自无不利

坎下
震上

解利西南无所往其來復吉有攸往夙吉

居解能動則出乎險之外矣解之象也難之既解利于平易安靜不欲久為煩擾故必去煩惱尚寬簡與

民休息如西南平易乃利此時君禴難盡平无所往
款則宜偃武脩文來復其所而安靜君道孽犹存尚
有所往則宜早往早復不久煩擾則國家亨泰亨之
福而吉也此為利西南款

象曰解險以動、而免乎險解

在險能動一動便能出險故名解

解利西南往得衆也其來復吉乃得中也有攸往吉往
有功也

四入坤体是行平易之政以得億兆之心也二居得
中故能安靜无為來復而吉也以此中道而往則既
不養乱又不擾民有安輯之功矣

天地解而雷雨作雷雨作而百果草木皆甲拆解之時
大矣哉

隆冬天地閉塞至二氣交則解矣解則雷雨交作則
百果草木枯者甲而甲者拆矣天地化育由解而成
解之時信大

象曰雷雨作解君子以赦過宥罪

无心之道赦之不問有心之罪宥之從輕此亦解民
之難

初六无咎

以柔在下上有正應柔而濟以剛者以此處解既不
煩接亦不廢弛何咎

象曰剛柔之際義元咎也

剛柔相濟義當元咎

九二田獲三狐得黃矢貞吉

九二剛中是柔道嫉邪者為能解去邪媚而因得中直此大臣舉錯之正而皇路清夷可指日見矣貞吉

象曰九二貞吉涉中道也

中在心斯正在事去吾心之邪媚方可去小人之邪媚存吾心之中直方能用君子之中直

六三負且乘致寇至貞吝

小人當據維得必失如且負而乘當致寇奪雖位出乎君亦可羞吝

象曰負且乘亦可醜也自我致戎又誰咎也

德不稱位殊為可醜則寇實我致又誰咎乎

九四解而拇朋至斯孚

拇指初相臣有私人君子所以不至四陽初陰應非其類若能解而去之亦无私交則君子之朋至而相信蓋非類去則善類合也

象曰解而拇未當位也

四與初皆不當位而相應是私情之合義所當解

六五君子維有解吉有孚于小人

五當君位君子也其于三陰小人維有解之而已解則朝廷清天下治吉也然君子有解必聽于小人之

退若小人尚在是犹未有解也

象曰君子有解小人退也

君子有解小人自退。此易之之辭一說君子實有
个解小人方退不然未必退也

上六公用射隼于高墉之上獲之无不利

三當高位上當公孤之任抱已成之器用殲滅之猶
射隼高墉而獲之矣君子以寧小人以危无不利

象曰公用射隼以解悖也

蠹國害民悖乱不小故正其罪而解之

既上下

損有孚元吉无咎可貞利有攸往

卦其損下益上之義究竟上下俱損故名損損非得已必出此心真實萬分無可奈何然後行之方是有孚則民樂輸而事易濟也元吉征有名而埋无愧也无咎此法可通之後世不可負乎行之四海不利往乎此皆從有孚得之

易之用二筮可用享

若以此為損當若何以為用雖享帝享親礼宜從厚然當損時則至薄無害而他可知

象曰損：下益上其道上行

損上益下下損則上亦損之道行于上矣故名損損而有孚无咎无咎可貞利有攸往苟之用二筮可用

享二簋應有時損則益柔有時損益盈虛與時偕行
損而有享則四者之應不必言矣又曰二簋可用享
者當損時自應有此用也卦畫損則益柔何也剝進
之極時當損柔退之極時當益也物理損盈益虛何
也物不終盈故與時偕損物不終虛故與時偕益也
而謂二簋非時乎

象曰山下有澤損君子以懲忿窒慾

懲者懲前戒後有和平之養焉窒者拔本塞源有克
治之功焉皆禁于未發此損所當損者

初九已事遄往无咎酌損之

初當損下益上之時上應六四之陰輟已進修之事

而速往以蓋之則公尔忘私无咎之道也然居下而
蓋上分隔情跡又當斟酌淺深而損所當損也

象曰已事遄往尚合志也

四之志正欲初損其疾初上合其志何得不遄

九二利貞征凶弗損蓋之

到中自守不肯妄進如此守貞乃不降辱而利往則
凶矣此君先蓋于上然不損所守節義可風乃所以
蓋上也

象曰九二利貞中以爲志也

六三三人行則損一人一人行則得其友

人之相與兩則專三則亂故同類相與而有異已泰

之是三人行也則損一人焉此一人既行則同道相與兩情文篤而得其友矣此致一之道也

象曰一人行三則疑也

必使一人行者以三則學術異而議論乖必疑忌而不相入也

六四損其疾使遄有喜无咎

四大臣也以初九之陽剋益己而損其陰柔之疾夫初方我遄我可不自遄乎必速于遄改則有日新之喜无怙終之咎矣

象曰損其疾亦可喜也

无疾固可喜有疾而賴人以損之亦可喜

六五或益之十朋之龜弗克違元吉

柔順虛中以居尊位當損之時豪傑響應賢者獻德能者獻才有受天下之益而辭之不得者則君德純治化溥大善而吉矣

象曰六五元吉自上祐也

虛中下賢則克當天心故自天祐之受益而元吉也上九時損益之无咎貞吉利有攸往得臣无家

上當損下益下之時受益之極而欲自損以益人然居上益下所謂惠而不費者不待損已然浸益人也則能子民而无咎矣然必正大而非常虛然浸道盡善渾遠施去无不利而得民不以家計矣

象曰弗損益之大得志也

弗損而益其益元方故大得志

震上
巽下

益利有攸往利涉大川

卦其損上益下之義寔竟上下俱益故名益二五止
中有全德矣震巽皆木有全才矣以此益于常而發
政施仁固利即益于變而扶危救災亦利

象曰益損上益下民說元疆自上下下其道大光

損上益下是君能自損以益民而民說元疆夫然所
以益民者實自朝廷下于閭閻非一切轉移之術益
道何其大光此民說所以元疆也

利有攸往中正有度利涉大川未道乃行

二五中正是君臣同德以此益下民咸食度故利往
震巽皆木為才敵克壯以此濟險益乃大行故利涉
益動而巽日進无疆天施地生其益无方凡益之道與
時偕行。

極言益道觀之聖學震動巽入勿忘勿助而德崇業
廣進无疆矣觀之造化天施地生相感相成而萬物
化生益无方矣凡此皆時也推此而人事物理凡益
之道有一非時所為耶益不外時如此

象曰風雷益君子以見善則遷有過則改

風雷之勢交相助益善則速迂過則速改益之大者

而廷則愈改，則愈遠，又文相蓋者也。

初九利用為大作，元吉，无咎。

初雖居下，然受上之益，不可无所報效。故利用竭忠，殫赤，大有作為。又必謀之萬全，事圖經久，大善而吉。然復无負于上也。

象曰：元吉，无咎，下不厚事也。

下本不當任厚事故，不元吉，不足以塞咎。

六二或益之，十朋之龜，弗克違，求貞吉。王用享于帝，吉。當益之時，虛中處下，是誠敬事上臣之貞也。而君寵自至，弗克違，馬誠永守此貞而不變，則春日隆而吉矣。斯道也，雖王者用以享帝，尚可居歆而吉。況君子乎。

象曰或益之自外来也

无心求益，自外来，故稱或。

六三益之用凶事，无咎。有孚中行，告公用圭。

陰柔不中不正不常得益者也。然益時居上故有益。以凶事者如投之艱難處之盤錯。益警戒震動乃所益也。則亦可以无咎。然上之責成我者同望其孚且中也。必心有孚而外中行。以此上通于君。猶告公而用圭。庶无負凶事之益矣。謂无咎者如此。

象曰益用凶事，固有之也。

欲其困心衡慮而固有其孚中非棄之也。

六四中行告公，從利用為依迁國。

四本不中誠以益下為心而合于中行則告公而見
從矣雖有所依而近國以益下民而從之況他乎中
行字上下如此

象曰告公從以益志也

以益下為志則心居之心矣所以見從

此五有孚惠心勿問元吉有孚惠我德

實有惠民之心則勿問而元吉矣蓋上有實心以惠
于下則民亦有實心以惠我德矣元吉可知

象曰有孚惠心勿問之矣惠我德大得志也

大得愛民之志

上九莫益之或擊之立心勿恒凶

陽居蓋極求蓋不已故莫蓋而或擊之蓋蓋下者君
之恒立心勿恒則人得而擊之矣

象曰莫蓋之偏辭也或擊之自外来也

莫蓋之者猶徒其蓋之偏辭而言也若完而言之則
又有擊之者然擊而曰或以上方求蓋不期有擊則
擊之来自意外耳

兌
上
下

夬揚于王庭乎辨有厲告自邑不利即戎利有攸往
夬決也以五陽去一陰決之而已然其決之也必揚
庭以正明其罪而盡誠以呼號各竟然亦尚有危厲
不可安肆又書先治其私不尚威武則謀而萬全小

人之決而利有攸往也

象曰夫決也剛決柔也健而說決而和

夫言決也五剛決一柔也然決之道必健而說既不
緩圖又不躁動則發皆中節其決也和矣

揚于王庭柔乘五剛也字辨有厲其危乃先也告自邑
不利即戎所尚乃窮也利有攸往剛長乃終也

揚庭者以一小人據衆君子之上其罪可蓋也字辨
矣又有厲者操心惟危決道乃先也自治矣又不相
即戎者若尚威武自取困窮也利往者五剛既長一
變即為純陽則陽道乃終君子滿朝而元復有小人
矣

象曰澤上于天夫君子以施祿反下居德則忘

施其惠澤普及天下祿予加于君子樂利及于小人
若居德不施則非為上所宜故忘

初九壯于前趾往不勝為咎

嘗決之時居下任壯往必不勝徒為咎耳

象曰不勝而往咎也

以不勝之道而往其咎宜也

九二惕辨莫夜有戎勿恤

割而后柔又得中道故能憂惕以自警辨乎以集眾
戒慎如是則雖奸險叵測如暮夜有戎亦可無患也
象曰有戎勿恤得中道也

二得中道則不恃壯而能揚辨所以有戒勿恤

九三壯于頄有凶君子夬夬獨行遇雨若濡有愠无咎
當決之時到過乎中是欲決小人不能潛謀而剋壯
見于面目也有凶道夫夫決不在跡而在心為君子
計若能果決其決不係私愛則雖暫與和洽如獨行
遇雨至于若濡而為君子所愷然吾歲其用終不能
決去小人而无所害也

象曰君子夬夬終无咎也

心誠夫、則始雖若濡終得去之何咎

九四臀无膚其行次且牽羊悔亡聞言不信

陽居陰无才不中正無德故居則不安而思進行則

不進而固功悔可知也為四計君讓衆陽前進而我
隨其後則因人成事而悔也矣然當決時志在上進
雖聞是言必不信也

象曰其行次且位不當也聞言不信聰不明也

由居位不當而才不濟故次且由志昏于進而聽不
聰故不信

九五 苒陸夫夫中行无咎

苒陸感陰氣之多者九五切近上六有深為蓋惑者
如苒陸然君夫而又決而又不過慕合于中行所謂
決而和也則可決小人而无咎矣

象曰中和无咎中未行也

中行固无咎矣然王心有所比以義之不可而決之
其事雖正其意未誠于中未為光大也

上六无號終有凶

陰居窮極无類已盡无所呼號終必見決而有凶也

象曰无號之凶終不可長也

勢必殄滅其能久乎

巽上
乾下

始女壯勿用取女

一陰始見卒然而遇故為始又以一小人教眾君子
壯之甚也君子當防微杜漸可取以共事乎哉

象曰始遇也柔遇剛也

始者不期而遇也以一柔遇五剛遇出意外故名始
勿用取女不可與長也

一陰雖微不可與之長履

天地相遇品物咸章也

然遇亦有不可无者天之純陽用事忽與地之微陰
相遇則燥以滋烈以潤而品物流形自成章矣此造
化之始

剛遇中正天下大行也

五以陽剛之德遇宅中表正之位則德因位顯而治
化大行于天下矣此人君之始

始之時義大矣哉

一陰遇陽其勢必盛幾微之際聖人所謹

象曰天下有風姤后以施命誥四方

施其命令布誥四方使曉然知上之意則君與民遇矣

初六繫于金柅貞吉有攸往見凶羸豕孚蹢躅

一陰始生欲害君子故戒以靜正自止則吉往進害陽則凶然其勢不可止也猶羸豕必至蹢躅君子宜深為備云

象曰繫于金柅柔道牽也

牽進也以其進故止之

九二包有魚无咎不利賓

二以用事君子而與初過是小人尚在管轄之中為包有魚之象若制之在已猶可過其害而无咎若不制而使過于衆君子則其為害廣矣

象曰包有魚義不及賓也

義當柔機制之不使及于賓也

九三臀无膚其行次且厲无大咎

過剛不中性燥上下无應勢孤故居則不安行則不進是雖寡助而厲然既无所遇亦无所傷何大咎

象曰其行次且行未幸也

行無所遇未得幸引之人也

九四包无魚起凶

初六正應反遇于二不及于已民心去禍亂起天
象曰允魚之凶遠民也

民之去已猶已遠之

九五以杞包瓜含章有隕自天

五以陽剋中正主卦于上而下防始生必潰之陰如
以杞包瓜勢甚易矣然陰長陽消天運之常若能含
晦章美靜觀其勢而徐制之則可以回造化而始轉
為復有從天而降者矣

象曰九五含章中正也有隕在天志不舍命也

惟其涵養宏深故能靜以制陰自諉力爭皆為舍命
五之舍章志欲嘿回天命先刻舍置故有隕自天

上九始其角吝无咎

以剝居上不得其遇為始其角蓋以角求遇安所得
遇占為小吝然元比匪之咎

象曰始其角上窮吝也

高亢在上宜窮于遇故吝

兌坤上下

萃亨王假有廟利見大人亨利貞用大牲吉利有攸往
坤順兌說君民萃也剝中而應君臣萃也渙上于地
萬物萃也萃之時王者當至廟中聚一己之精神以
通祖考之精神君子當見大人則道可行而亨必聚
以正斯利然萃則時豈而祀宜隆必用大牲則受福

而吉萃則德脩而用宜宏往以有為則建功而利親
、專、道盡此天

象曰萃聚也順以說剛中而應故聚也

民順以從君、說以先民君誠實下文臣虛中上應
故聚而名萃

王假有廟致孝享也利見大人亨聚以正也用大牲吉
利有攸往順天命也

致誠孝以享親見大人而聚以正則自亨天命有是
時則人應有是事大牲非濫費攸往非僥功也

觀其所聚而天地萬物之情可見矣

乾施坤受天地之情一聚聲應氣求萬物之情一聚

革道之大如此

象曰澤上於地革君子以除戎器戒不虞

物聚則爭人聚則亂修戢武備以戒不虞則革可長保矣

初六有孚不終乃亂乃革君子辨一捭為笑勿恤往无咎
初上應四本有孚者而隔于二陰當革之時不能自
守是有孚而不終乃亂于邦而妄革也此時君時辨
正應則去就无常衆以為笑然辨者正笑者妄誠勿
恤而往復之則先妄革之咎矣

象曰乃亂乃革其志亂也

志先自亂將不安革

六二引吉无咎字乃利用禴

二應五而雜于二陰之間必幸引二陰以萃于五則
有集思之益无樹竟之咎矣夫此引萃之心莫非虛
中之意是其字也二以字上應故五亦以字下文一
時感通不事繁文犹祭者有其字誠雖薄物亦可祭
矣

象曰引吉无咎中未變也

由有虛中之德不變忠愛之心故能以人事君

六三萃如嗟如无攸利往无咎小吝

陰不中正上无應與求萃于近人莫之與故嗟如而
无所利惟從往上六可以无咎然困而浸往非其本

心復得陰極无位之文萃何所裨亦可小羞矣

象曰往无咎上巽也

三往而无咎者上震而受之也

九四大吉无咎

上比九五下比衆陰君臣萃矣然以陽居陰不正為慮故必正大光明不落邪媚大吉如是然後君民兩无負也

象曰大吉无咎位不當也

處位不正恐萃未盡善故戒之

九五萃有位无咎匪孚元永貞悔亡

剛陽中正當萃居尊人咸信從固无咎夫若有未信

則亦修其元永貞德之德而匪孚之悔亡矣

象曰萃有位志未光也

萃有位而有未孚其志未為光大

上六齋咨涕洟无咎

處萃之終陰柔无位求萃不得孤立而已惟操危慮

深庶可自保而无咎也

象曰齋咨涕洟未安上也

在上无萃其能安于上手宜其憂懼

巽
坤上下

升元亨用見大人勿恤南征吉

柔上居四有升義焉故名升內巽外順德可升剛中

可應會可升故元亨其方升而進見則勿憂阻抑其
既升而前進則大辰生平是所謂元亨也

象曰柔以時升

柔嘉君子乘時奮庸故名升

巽而順，到中而應，是以大亨

內既沉潛而外又從容可升之德也才足匡時而君
能下交可升之會也故元亨

用見大人勿恤有慶也南征吉志行也

慶是千載明良之慶志是致君澤民之志

象曰地中生木升君子以順德積小以高大

德本高大原從細微發端君子念上謹審自細微積

之以剛致高大此為德之升也。順作慎

初六允升大吉

柔順居下巽于二陽二陽信之接以同升則能升而大吉矣

象曰允升大吉上合志也

上合二陽南征之志所以同升

九二字乃利用禴先咎

二本剝中一念之字是以上感乎君有不事煩綯自成亨如者為亨乃利用禴之象而于義為先咎也

象曰九二之字有喜也

亨則得遂其志豈不有喜

九三升虛邑

以陽到之才當可升之時進无沮滯如入無人之境
然

象曰升虛邑无所疑也

諮然上升何所疑礙

六四王用亨于岐山吉无咎

當升之時以順而升是大臣以誠敬事上犹王者以
誠敬事神也則可以格君而无負臣職矣

象曰王用亨于岐山順事也

忠順以事其君

六五貞吉升階

以陰居陽未免不正故必黜其功利粹然无私則正
朝廷以正百官正萬民而升斯世于大猷易之矣其
吉也不尤升階之易乎

象曰貞吉升階大得志也

大得致治之志

上六實升利于不息之貞

陰居升極昏冥于升貪進不已者也何遠而利但可
及其不已于外之心施之于不息之正而已

象曰實升在上洊不富也

貪得无厭立見其洊而富不保也

兌上
坤下

困亨貞大人吉无咎有言不信

二體交爻到為柔掩故名困卦又有困亨之義大人之象故處困者身雖困而心自亨則得其正矣然惟素有養識之大人乃能當之而吉其无咎否則曉尚口適取困窮其誰信之

象曰困到揜也

到為柔掩困而不升故名

險以說困而不失其所亨其唯君子乎貞大人吉以到中也有言不信尚口乃窮也

卦險以說是處困而不失吾心之所亨也此非君子不能君子即大人到則不挽中則不躁有見有守所

以貞吉君夫尚口自取府耳

象曰澤元水困君子以致命遂志

困難之時惟有委致身命以遂吾所欲為之志而已
初六臀困于株木入于幽谷三歲不覿

陰柔居困之底故傷于困而不安居暗之甚故入于
暗而先見

象曰入于幽谷幽不明也

言幽暗之甚全乏道明

九二困于酒食朱紱方來利用享祀征凶无咎

九二剝中應上故遺大投艱反為爵祿所困而君之
寵任責成又方殷未艾為困于酒食朱紱方來之象

二將何以承之。必當錫誠圖報。如利用享祀。則雖畜
困。特往必有危。而鞠躬盡瘁于義。為允咎也。

象曰：困于酒食，中有慶也。

二有中德，故有濟困之慶。

六三：困于石，據于蒺藜，入于其宮，不見其妻凶。

陰柔而不中正，才德俱先，欲進倚四，則不可動，欲
退倚二，二銳不可依，如此則禍必及身，雖有上六正
應，終不得見矣。為終于困而凶。

象曰：據于蒺藜，乘剛也。入于其宮，不見其妻，不詳也。

乘二之剛，據非所據，危且至，不祥之甚。

九四：來徐徐，困于金車，吝，有終。

四興初應而處位不當不能濟初而其未徐致初
為二陽而困于金車為可羞吝然邪不勝正終必合
也

象曰未徐志在下也雖不當位有興也

曰雖未徐然其志未嘗不在初故雖才不能濟而
終有相與之日也

九五剝剛困于赤綬乃徐有說利用祭祀

五當困時上蔽于近習下制于強臣如剝剛然上下
皆傷則臣下无所用而反為困矣然剝中能為說
辭善處久能制奴而有悅也且此剝中實德即用祭
祀亦當獲福以處臣下乎有悅必矣

象曰剝剝志未得也乃徐有說以中直也利用祭祀受福也

中則善用其剝其理常直故馭下而有悅

上六用于葛藟于臲卼曰動悔有悔征吉

以陰柔處困極才弱時窮故動不能解靜不能安而動輒為悔然物窮則變君能有悔幡然奮發則可以征而吉矣

象曰困于葛藟未當也動悔有悔吉行也

坎上下

井改邑不改井元喪元得往來井汔至亦未繡井羸其羸凶

以巽木入坎水之下而上出其水故為井為治者誠
改其所可改而不改其所不可改則于旧章无增无
損而人：被澤不尤改邑不改井无喪无得而往者
来者皆井其井乎然法貴守舊尤貴慎終設守之未
幾絲更随起如汲井幾至未盡綆而敗其甕則債績
多矣言事仍舊无得喪而又當敬勉不可幾成而敗
總啟人善守法也

象曰巽乎水而上水井井養而不窮也

木之根莖深入乎水：之津潤上達乎木有井水上
行之象故為井是井也有出有源其施不匱養人而
不窮者也

改邑不改井乃以剗中也汜至亦未績井未有功也羸其甃是以凶也

剗則持久中則善因故能守法而不變如法方行而未成功於此絲更不解終而凶乎

象曰木上有水井君子以勞民勸相

勞民者以君養民如剗田里教樹畜是勸相者勸民相養如相周恤是

初六井泥不食舊井无禽

井以陽剗為泉上出為功初六以陰居下无辭无用猶井不泉而泥人所不食遂成舊井而舍為六莫顧也

象曰井泥不食下也舊井无禽時舍也

人品污下為時所棄

九二井谷射鮒甕敝漏

九二剛中有泉之象然上无正應汲引者誰下比初六柔征者誰功不上行僅獨善耳象尤井旁之穴水僅及鮒即有汲者亦如甕敝不上水也

象曰井谷射鮒无與也

非无德也无與耳。无正應之推較

九三井渫不食為我心恻可用汲王明並受其福

以陽居陽有德且純而居下之上未為時用故可食不食徒使人恻耳然不食者其遇可用汲者其德一

遇明王則汲以及物而居民並受其福也。下二句

正惻之之意是設詞

象曰井渫不食行惻也求王明受福也

行道之人皆以為惻有求賢之明王則上下受福

六四井甃无咎

四雖得正然陰柔不泉但能反身脩治不染汙流如井甃然是雖无及物之功亦无汚壞之咎

象曰井甃无咎脩井也

能脩其身所以无咎

九五井冽寒泉食

陽剋中正功及于物不猶井之清冽而泉之湧出者

甘寒而為人食乎

象曰寒泉之食中正也

唯有純粹之德故沛膏澤之施

上六井收勿幕有孚元吉

居卦之上而坎口不掩是深仁厚澤任人酌取而不
禁者也不犹井收而勿幕者乎此亦由中有實德乃
能沛此宏施大善而吉也

象曰元吉在上大成也

得元吉于井養之終養道大成而非復小補

離上下兌

革已日乃孚元亨利貞悔亡

卦有物理。人情之革。故名變革之初。人未遽信。故必已革之日。事久論定。而後信之。又必如卦之內明外悅。而所革者。皆可通行。又合正理。然後妄革之悔止也。已日所以孚者。以此。

彖曰：革，水火相息，二女同居，其志不相得，曰革。

火然水乾，水決火滅，物理之革。少上中下志不相得，人情之革。

已日乃孚，革而信之。文明以說，大亨以正，革而當，其悔乃亡。

已日乃孚者，革至已日而後人信之也。又曰：悔亡者，文明則灼義理于未革之先，以說別順時勢于將革。

之際故其為革皆出大通而又至正則所革皆當而
晦乃凶也

天地革而四時成湯武革命順乎天而應乎人革之時
大矣哉

天地陰陽相革而四時以成湯武革夏商之命乃順
天應人天地非革不成化工聖人不革不成世道故
革之時用為大

象曰澤中有火革君子以治曆明時

天道人事關於四時君子制曆書以明之有占步以
推天象有布筭以察氣機侯晦朔弦望之不愆分至
啟閉之一定則七政齊而百揆叙矣

初九犇用黃牛之革

雖當革時而居初則无時无應則无叔當固守中順不輕有為如犇用黃牛之革然則善矣。黃中色牛順物革時以不輕革為中不躁革為順

象曰犇用黃牛不可以有為也

時勢不在不可以革

六二已日乃革之征吉无咎

柔順中心文明有應有德有勢可以革矣然必從容詳審至于已日然後革之則有更化之吉无絲更之咎矣

象曰已日革之行有嘉也

更張有漸則行有嘉美之功。行即征嘉即吉无咎
九三征凶貞厲革言三就有孚

過剛不中居離之極躁動于革者也故征凶而雖貞
凶厲然其時當革苟熟思審處議革之言至于三番
成就則凶足孚人而可革也

象曰革言三就又何之矣

言已詳審

九四悔亡有孚改命吉

以陽居陰積蔽之後宜有悔者然水火改革之時有
剛柔不偏之用是以悔亡然未可遽革也必更化之
心孚于上下而後改其命令則上不疑下不駭而吉

矣

象曰改命之吉信志也

人信其改命之志所以獲吉

九五大人虎變未占有孚

陽剛中正為革之主是大人革命而皇猷帝治煥然一新如虎變然如此德化四海從風豈待占決而後信哉蓋未占而已有孚矣

象曰大人虎變其文炳也

禮樂昭明文章宣朗其文炳如矣

上六君子豹變小人革而征凶居貞吉

革道已成重熙累洽君子改心易慮如豹之變小人

心草面以遵王之路天此時復有所往則依援而凶
惟守成居止與世相安則吉

象曰君子豹變其文蔚也

道德積中英華發外其文蔚然可觀心雖未革外已
順從此為革道之成。虎文跡而著故曰炳豹文蔚
而理故曰蔚

巽上下

鼎元吉亨

吉字衍
文也

卦有陽之象有陽之用故名陽、重器也主陽重任
也如卦之有德有位有輔則絃綸調變可以凝天命
而轉人心矣元亨

象曰鼎象也以木巽火亨飪也聖人亨以享上帝而大
亨以養聖賢

初陰為足二三四陽為腹五陰為耳上陽為鉉鼎之
象也以巽木入離火而致烹飪鼎之用也故為鼎亨
帝養賢皆鼎是用鼎何重哉

巽而耳目聰明柔進而上行得中而應乎剛是以元亨
內既巽入外又聰明凝鼎之德也柔進居五主鼎之
位也虛中應剛調鼎之輔也是以元亨

象曰木上有火鼎君子以正位凝命

言正其位以凝天命內正元邪心外正元妄動而天
命凝固不墜矣

初六尚顛趾利出否得妾以其子无咎

居尚之下上應九四不能勝任顛趾之象然動恐增益旧有否惡之積因其顛而出之反為利矣此其因敗以為功不犹得妾以得子因賤以致貴乎則不負所托而无咎矣

象曰尚顛趾未悖也利出否以從貴也

尚而顛趾悖道也而因可出否則未為悖也四陽為貴而初從之順其推仰而合舊固新故有出否之利九二尚有實我仇有疾不我能即吉

以剋居中尚有實之象也而姤近初陰是我之仇而為我疾者二能以剋中自守則初雖近終不能我就

矣德不虧而我可致吉也

象曰陽有實慎所之也我仇有疾終无尤也

惟陽有實當慎所與慎則我仇有疾終不能究

九三陽耳革其行塞雉膏不食方兩虧悔終吉

陽居陽腹本有美實者也然越五應上是舍所事之
君從避世之士道不行澤不下故為陽耳方革不可
舉移雖有雉膏不為人食之象革居陽得正亦明君
臣之義者苟能自守不妄應上則明良會合如方兩
然而虧其不仕之悔矣終為人食而吉也

象曰陽耳革失其義也

失其君臣之義

九四出折足履公餘其形涯凶

居上任重而下應初陰委任非人敗乃公事當得重刑而凶也

象曰履公餘信如何也

言失其期許之信也

六五出黃耳金鉉利貞

五有中德下應九二之堅剛猶出黃耳而貫以金鉉也利在任賢勿疑永守貞固而已

象曰出黃耳中以為實也

出以任賢為中六五中以為實則冲虛之德實積于中者也故象黃耳

上九鼎玉鉉大吉无不利

以陽居陰剛而能溫是輔弼者精明渾厚合為一也
玉鉉之象則謀猷粹而治化遠矣

象曰玉鉉在上剛柔節也

在上稱鉉宜也何稱玉鉉剛而以柔節之所謂溫潤
而柔然也

震上下

震亨震來虩虩笑言啞啞震驚百里不喪匕鬯

卦有震動之義震則自有亨道君子平時常若震來
而虩虩恐懼則惕極生恬而笑言自如矣即大變猝
臨而常度不失如雷之震驚百里而主祭者不失所

枕之七也也震亨如此

象曰震亨

震則必亨

震來虩、致致福也笑言啞、後有則也

震來虩、恐惧以致福也笑言啞、恐惧之後動有
法則也

震驚百里驚遠而懼迩也出可以守宗廟社稷以為祭
主也

震驚百里者國家变故猝來人心共駭猶雷之驚遠
懼迩也而長子當此泰然如不喪七也則鎮定之德
足以荷重其出而繼世可以守宗廟而永為祭主矣

象曰游雷震君子以恐懼脩省

心存恐懼而又以恐懼之心修者其身此糾變之道也

初九震來虩々後笑言啞々吉

成震之主處震之初先常恐懼後自安閑而吉

象曰震來虩々恐致福也笑言啞々後有則也

六二震來厲億喪貝躋于九陵勿逐七日得

二乘初則是當震來而危厲不安也為當大棄貨貝而升于九陵以避之然未順中正是以自守是能強為善者故所喪不求自獲也

象曰震來厲乘剛也

以柔乘剛故厲

六三震蘇：震行先肯

以陰居陽當震不正故不勝驚懼而緩散自失君震動其行以去不正則可以无蘇：之肯矣。上震：驚之震下震：動之震

象曰震蘇：位不當也

行險之行何以禦變

九四震遂泥

以剛處柔不中不正陷于二陰重險之間不能自震遂澤溺而不復起矣為震遂泥之象

象曰處震而遂泥則以昏迷終

六五震往來厲億元喪有事

以陰居尊而處震時往來皆厲元時不危也以其洋中足以自守故无所喪失而又能圖迴有事也。有事謂恐懼修省

象曰震往來厲危計也其事在中大元喪也

危與行會全賴有事其有事者以其在中在中而有事則大無喪矣

上六震索索視矍矍征凶震不于其躬于其隣元咎婚媾有言

以陰柔處震極志氣殫索瞻視傍皇以是而行其凶必美若能恐懼修省于震未及身之時則亦可以无

咎然預防如此猶有不虞如婚媾之有言况不防乎
象曰震索：中未得也雖凶无咎畏鄰成也

中不震定故外多殫索畏鄰所戒先事預防則有備
无患可以无咎

艮上
艮下

艮其背不獲其身行其庭不見其人无咎

卦有艮止之義天下之理各有當止之所人能止于
所當止如艮其背然則靜而內欲不萌耳目口鼻皆
非吾有是不獲其身也動而外誘不擾人情世態了
不相閱是行其庭不見其人也內忘己外忘人靜亦
止動亦止居然人生而靜之初也无咎

象曰艮止也時止則止時行則行動靜不失其時其道
光明

艮言其止止惟其時止則止止也時行則行亦止
也行止皆時動靜不失其止之道光明矣。時即道
道即止之道

艮其止之其所也上下敵應不相與也是以不獲其身
行其庭不見其人无咎也

艮其止者止得其所也于卦何取卦之内外陰陽各
以其所相應而不相與者止所之義焉惟止所是以
内不見已外不見人而无咎也

象曰兼山艮君子以思不出其位

位即是所君子思欲止之而不出乃所以止其所也
初六艮其趾无咎利永貞

以陰柔居艮初內欲不起外感未至為艮趾而无咎
能永此貞而不足則利矣

象曰艮其趾未失正也

時止而止未失本來之正

六二艮其腓不極其隨其心不快

二當腓處而居中得正是投之波蕩而天常定者然
三則二所隨也而過剛不中妄止于上二辭柔弱不
能往而極之其心能快然乎哉

象曰不極其隨未退聽也

三止乎上不肯退而聽于二也三亦无如之何矣

九三艮其限列其夤厲薰心

過剛不中當限之處而一于膠固不知變通為艮其
限則事辭乖離物情睽絕如列其夤而不通于外必
不安于內危厲之勢薰灼其心矣

象曰艮其限危薰心也

止非所止勢必薰心

六四艮其身无咎

以陰居陰時止而止思不乱營官不妄役為艮其身
而无咎

象曰艮其身止諸躬也

二句一意是訓字釋言艮其身是止諸躬也

六五艮其輔言有序悔亡

五當輔處而以陰居陽宜有失言之悔者以其得中則心本靜安能艮其輔而即有所言皆合次第是以悔亡

象曰艮其輔以中正也

五有中德故不妄言。正字篆文孟未有內括而外艱者

上九敦艮吉

以陽剛居止極動靜時初終一敦厚于止者也此大人之止至善神聖之欽汝止吉矣

象曰敦艮之吉以厚終也

勿替于始以厚其終故吉。厚終即敦艮意

巽上下

漸女歸吉利貞

下止上巽為不遽進故名漸士奇漸進如女之歸則

吉然又進必以正母至枉也乃利

象曰漸之進也女歸吉也此字漸殺字

漸進如女歸則吉也

進得位往有功也進以正可以正邦也

利貞者卦變陽進居陽是進得位也得位則往必有功何也進得位者進以正也進以正則可以正邦其

有功何如故利貞

其位到得中也

且以九五之位言則又剛不過而得乎中也中則自
正君正而君子之進可不正乎此亦利貞之義
止而巽動不窮也

君子止而先求巽而不迫以是而動可以輔剛中之
主而成正邦之功寧有窮乎此雖漸進之義而利貞
亦在其中

象曰山上有水漸君子以居賢德善俗

二者皆當以漸而進漸以居德則德盛漸以善俗則
倍矣

初六鴻漸于干小子厲有言无咎

始進无應未得所安猶之鴻漸于干此新進小子而
處厲蒙譏所不免矣然時命不偶非其咎也。于水
涯也

象曰小子之厲義无咎也

惟小子故厲耳非其所致于義何咎

六二鴻漸于磐飲食衎衎吉

柔順中正有德矣漸應應五過主矣有居高位食厚
祿而毒蛇自遠者為鴻漸于磐飲食衎衎之象可以
正邦而吉也

象曰飲食衎衎不素飽也

以其德亨其祿則不為徒飽而處、安矣

九三鴻漸于陸夫征不復婦孕不育凶利禦寇

過剛不中而又无慮進何能安為鴻漸于陸吾見其
冥行不返也猶夫征不復蘊藉弗辰也猶婦孕不育
凶其甚焉此禦寇乃為利耳豈所施于漸進乎

象曰夫征不復離群醜也婦孕不育失其道也利用禦
寇順相保也

過剛而離群類故不復過剛而失人道故不育過剛
而在禦寇乃為順道而與眾相保

六四鴻漸于木或得其桷无咎

彖三之剛適于強暴不得所安幸其順巽善處自全

不猶鴻之亦棲而或得平柯可以少安者乎則保身而元咎也

象曰或得其輔順以巽也

既順而不忤又矣而善入故善處而得安

九五鴻漸于陵婦三歲不孕終莫之勝吉

九五居尊如鴻漸于陵六二正應在下而為三四所牘不得遇而成治猶婦三歲不孕然終不能奪其正也將上下交而治功成吉矣

象曰終莫之勝吉得所願也

得其任賢圖治之願

上九鴻漸于陸其羽可用為儀吉

上九至高出乎人位之外而清風介節可為師表猶
鴻漸于雲衢之上而其羽毛可用為綠飾維世之功
大笑故吉

象曰其羽可用為儀吉不可亂也

其志卓然不可亂以富貴功名故可儀而吉

震兌
上下

歸妹征凶无攸利

卦以少從長以說而動故為歸妹夫所歸在妹已非
正矣而又多不正以柔乘剛故方歸非禮法所容征
凶既歸非宜家所宜无攸利

象曰歸妹天地之大義也天地不交而萬物不興歸妹

人之終始也

男室女家，是天地間大義也。天地不交，則萬物息。男女不交，則人類絕。故歸妹，女之終而生育人之始也。猶之天地生之不已，非大義乎？

說以動所歸妹也

卦則說以動人，是私情之合所歸者，妹也。

征凶，位不當也。无攸利，柔乘剛也。

行涉淫僻，非禮所容，故凶。婦制其夫，惟家之索，故无攸利。

象曰：澤上有雷，歸妹。君子以永終知敝。

觀男女始合，不正，知永終有乖，離之敝也。

初九歸妹以娣跛能履征吉

居下无應為娣之象雖陽剛在女子為賢正之德但能承其嫡助其君而已猶跛之僅能履也然在系則善矣故吉

象曰歸妹以娣以恒也跛能履吉相承也

有陽剛恒德自安于娣以恒德承助故能履吉

九二眇能視利幽人之貞

陽剛得中女之賢也上有正應而反陰柔不正乃女賢而配不良不能大成內助之功猶眇之僅能視也利在幽貞自守終其身而已

象曰利幽人之貞未變常也

幽閑貞靜女子之常

六三歸妹以須反歸以媾

陰不中正為悅之主女之不正即須于人，莫之取者也故為未得所適反歸為媾之象

象曰歸妹以須未當也

女德有虧其誰取之

九四歸妹愆期遲歸有時

四以陽居上体而无正應賢女无配不輕從人而愆期遲歸以待其時之象

象曰愆期之志有待而行也

志有所待得位耦而後行

六五帝乙歸妹其君之袂不如其娣之袂良月幾望吉
柔中居尊下應九二是人君下賢以實不以文猶帝
女下嫁而服不盛然君德之盛无以加此又為月幾
望而得賢弘化吉也

象曰帝乙歸妹不如其娣之袂良也其位在中以貴行
也

以中德之貴行下賢之與故不高飾

上六女承筐无實士刲羊无血无攸利

上六陰柔居終无應約婚而不終者也故以女言則
承筐无實不成婚矣以士言則刲羊無血不成娶矣

何利

象曰上六无资承虚筐也

陰柔无奉祭祀供婦職之實德所承一虚筐耳

難上

豐亨王假之勿憂宜日中

明動致豐、有亨道然王者至此盛極當衰則又有憂道但徒憂无益若能持盈有常不致過盛如日之中而不黃烏則可矣

象曰豐大也明以動故豐

豐言治功之大也蓋由明以動有見大之識又有固大之才也

王假之尚大也勿憂宜日中宜照天下也

王者至此所尚自大然宜抑尚大之心為守成之心而照天下之利病休戚也

日中則昃月盈則食天地盈虛與時消息而況於人乎而況於鬼神乎

言中不可過日中昃月盈食天地盛衰與時消與時息况于神人能違時否此豈所以宜日中

象曰雷電皆至豐君子以折獄致刑

折獄以照惟明克允致刑以威惟斷乃成

初九遇其配主雖旬无咎往有尚

當豐之時明動相資初之遇四正相配者雖當陽到均敵可无相勝之咎以是而往協恭和衷可以佐豐

不有咎乎

象曰雖旬无咎過旬災也

求勝其配是謂逆旬相忌相仇灾不可言

六二豐其節日中見斗往得疑疾有孚發若吉

為離之主至明者也而上應六五之柔暗為其所掩
有大其障蔽日中見斗之象往而舌爭則昏暗之主
必及見疑惟在積其誠意以感發之則蔽可開而吉
也

象曰有孚發若信以發志也

信以發名之志

九三豐其沛日中見沫折其右肱无咎

三以主明應上至暗蔽甚于節為豐沛見沫之象則
三雖有明不可為用如折其右肱然而非其咎也蔽
之者咎耳

象曰豐其沛不可大事也折其右肱終不可用也

保豐大事豐沛則大事去矣二乃股肱折之終不可
用

九四豐其蔀日中見斗遇其夷主吉

夷等也謂初九也以大臣遇暗主下就同德相與夾
輔則吉也

象曰豐其蔀位不當也日中見斗幽不明也遇其夷主
吉行也

不當謂位近五吉行謂可保豐

六五來章有慶譽吉

質雖柔暗若能來致天下章明之彥則有慶有譽而吉矣

象曰六五之吉有慶也

來章則有保豐之慶

上六豐其屋蔀其家闐其戶闐其無人三歲不覿凶

以陰柔居豐極處動終驕奢自恃及以自蔽究至一无所見而終迷不及其凶甚矣

象曰豐其屋天際翔也闐其戶闐其無人自蔽也

言其盈滿之心飛翔天際由其自蔽自蔽所以無人

艱上

旅小亨旅貞吉

卦有去所止而不處之象故為旅，似難亨而卦之柔中順剛止處乎明固善處者故可小亨且能守此貞而不離則保其亨而吉矣

象曰旅小亨柔得中乎外而順乎剛止而處乎明是以小亨旅貞吉也

柔得中而順從乎人之剛內安靜而外達于事之幾是以小亨得旅之貞而吉也

旅之時義大矣哉

上是旅之時義不得此義未有亨且吉者故大

象曰山上有火旅君子以明慎用刑而不留獄

慎刑如山輕重出入毋敢慢易不留如火或罰或宥

毋敢淹滯

初六旅琐：斯其所取災

陰柔居下處旅琐屑召侮招尤其自取耳

象曰旅琐：志窮災也

志量琐極宜其取災

六二旅即次懷其資得童僕貞

柔順中正以是處旅即次則安懷資則裕得童僕

之貞信則無欺而有賴

象曰得童僕貞終無尤也

到底无有他志

九三旅焚其次喪其童僕貞厲

過剛不中其性躁居下之上其行驕故焚次喪僕雖
貞亦厲

象曰旅焚其次亦以傷矣

焚次已傷况喪僕乎以旅之時而道到居上與下之
道如此其喪宜也

九四旅于處得其資斧我心不快

用柔能下以是處旅獲所寓得所偈夫然居非其心
則非久安之位也上下皆陰則非倚伏之人也終不
能行其道伸其志我心有所不快也

象曰旅于處未得位也得其資芥心未快也
未得位而行道是以雖得資芥心終不快
六五射雉一矢亡終以譽命

六五文明之主雉之象也士當入覲如射雉然雖不
無委贄之費終當聲華起而爵祿綏也。譽者聲名
命者爵祿蓋名位之義

象曰終以譽命上逮也

言其聲譽聞于上也譽上聞則得命可知

上九鳥焚其巢旅人先笑後號眊喪羊于易凶

焚號凶也由其過剗驕亢失其順德如喪羊于易故

凶

象曰以旅在上其義焚也喪羊于易終莫之聞也
處旅好高義當焚巢失其順德而不自聞知故喪羊
聞豈至此乎

巽上

巽小亨利有攸往利見大人

陰伏陽下其性能入故名巽：陰為主僅可小亨幸
其以陰從陽資其才力故可利攸有往然必知所從
乃得其正故又曰利見大人

象曰重巽以申命

告誡丁寧申其命令此重巽之說也

剛巽乎中正而志行柔皆順乎剛是以小亨利有攸往

利見大人

九五剛主而巽乎中正之德隨所發弛志無不行此大人也由是臣民之柔莫不順從而元強夫柔僅小亨而惟順此大人是以攸往而利見也。全章天下事非巽不入非剛不任申命以入人又見大人以任事巽之亨利如此

象曰隨風巽君子以申命行事

事閱民社不遽行也必先反覆申其命令使下曉然然後行之則入人深矣

初六進退利武人之貞

以陰居下為巽之主卑巽之過者也故為凡事進退

逢疑不果之象君以武人之貞處之則有以濟其巽
懦而得所宜矣

象曰進退志疑也利武人之貞志治也

志疑則不治志治則不疑

九二巽在牀下用史巫紛若吉无咎

處陰居下能巽者也而又居中不至也甚是
人臣能過乎巽而第此表慕真誠以自道達非
獻諛也則可以格君而无愧矣

象曰絲君之吉得中也

二得中道故能巽所當巽

九三頻巽吝

過剛不中居下之上非能巽者故雖勉為而不能久
屢巽屢失者也終歸不巽而吝矣

象曰頻巽之吝志窮也

志意滿窮所以屢矣

六四悔亡田獲三品

陰柔无應承乘皆剛宜有悔也而以陰居陰處上之
下故能下士而士歸之群策群力皆為我用則不惟
悔亡且如田者所獲三品之多矣。田獵也

象曰田獲三品有功也

群材舉則底績然故有功

九五貞吉悔亡无不利无初有終先庚三日後庚三日

吉

五居巽體積弊之後故有悔然陽剋中正為能革弊而貞則更化而吉吉則革故而悔止鼎新而元不利是元初也而有終矣然貞豈易言哉必先庶三日丁寧于變之前後庶三日揆度于變之後然後為貞而吉而悔止元不利元初有終皆舉之夫

象曰九五之吉位正中也

以有中正之德既不因循亦不躁率故得變更之貞而吉

上九巽在牀下喪其資斧貞凶

居巽之極失其陽剋之德故凡事過巽失所以斷則

雖當巽而貞凶不免矣

象曰巽在牀下上窮也喪其資斧正乎凶也

居巽上巽已窮正乎凶言必凶

兌下

兌亨利貞

兌有悅意悅者太和之道大順之境有亨道矣而妄
悅不可不戒必所悅者大公至正不落驢虞乃為利
耳

象曰兌說也

兌者太和洋溢說之謂也

剛中而柔外說以利貞是以順乎天而應乎人說以先

民民忘其勞說以犯難民忘其死說之大民勸矣哉
說固亨矣又利貞者卦体到中柔外柔外故說而本
于剛中則悅以正也惟悅以正是以順乎天而不拚
應乎人而不違由是以此說率民趨事民亦忘勞率
民犯難民亦忘死夫順天應人何悅之大而无私也
至于忘勞忘死民不致舞而勸矣哉

象曰震澤兌君子以朋友講習

兩澤相震互相滋益君子與朋友講論理義而講習
之則滋益多矣

初九和兌吉

陽居說体而處下无應其悅也以性不以情所謂中

節之和也。和乃天下之達道而吉矣。

象曰：和兌之吉，行未疑也。

人心之初悅之流行，未有疑累，已發依然未發也，故為和兌而吉。

九二孚兌，吉悔亡。

剛中為孚，居陰為悔。以孚為悅，則誠能動物，雖難極者亦極吉而悔亡矣。

象曰：孚兌之吉，信志也。

能先自信其志也，自信則人信之矣。

六三來兌，凶。

陰不中正，為兌之主，以上无所應而求就二陽以求。

悅諂諛如此辱可知矣

象曰來兌之凶位不當也

德不足以自守故安悅而取凶

九四商兌未寧介疾有喜

四上承九五之中正而下比六三之柔邪故心不能決而商度所悅未能寧定然質本陽剛故能介然守正而疾惡柔邪則君臣會合而有喜也

象曰九四之喜有慶也

謂有明良之慶

九五孚于剝有厲

陽剛中正當悅居尊處近上六上六陰柔能妄悅以

剝陽者如其信之則姦惑而有危也夫

象曰孚于剝位正當也

正恃才當恃勢觀小人為不足畏故孚剝

上六引兌

上六說主居說極能引人以說乎已故為引兌

象曰上六引兌未光也

心事未光

巽坎
上下

渙亨王假有廟利涉大川利貞

風行水上離坡解散渙也渙難得亨而卦有地有才
有輔可以得亨然濟渙之大一在聚神假廟是也一

在濟世涉川是也且假非淫祀涉非偉功皆利于貞
馬則渙所以亨也

象曰渙亨剛來而不窮柔得位乎外而上同

據險不窮濟渙有地得時戡亂濟渙有才豪傑同心
濟渙有輔故亨

王假有廟王乃在中也

在廟中以聚神

利涉大川乘木有功也

乘巽木于坎水是有濟險之才因有濟險之功

象曰風行水上渙先王以享于帝立廟

享帝于郊川合帝之渙如用拯而得焉壯則濟渙此

收拾人心之本

初六用極焉壯吉

居渙之始極之既易又能順乎九二資之以濟如用
極而得焉壯則濟渙而吉矣

象曰初六之吉順也

順乎九二

九二渙奔其機悔亡

九而居二似夫故居悔也然當渙時未而不窮是為
據其陰要可以戰可以守而悔亡矣蓋九奔而二極
也

象曰渙奔其机得願也

據險恢復河其濟渙之頌

六三渙其躬无悔

陰不中正私己之象然居得陽位志在濟時為能驅馳王事渙散其躬此以吾躬付天下者何悔

象曰渙其躬志在外也

志在天下故渙其躬

六四渙其羣元吉渙有丘匪夷所思

居陰得正上承九五當濟渙之任者下尤應與為能開誠布公散其朋黨之象則公爾忘私大善而吉然小群既散大群自集將所散者聚而若丘則非常人思慮所能及也

象曰渙其羣元吉光大也

由其心辭光明正大故能渙辟

九五渙汗其大號渙王居元咎

陽剛中正以居尊位常渙之時能散其號令與其居
績則可以濟渙而元咎矣

象曰王居元咎心位也

以有中正之德故能公利不私

上九渙其血去逖出元咎

陽居渙極能出乎渙故傷害去憂惕出濟渙功成何

咎

象曰渙其去遠害也

時雖有害有以遠之

坎下

節亨苦節不可貞

澤上有水其容有限故節。固自亨又卦有得中之義故亨然主于太甚則苦矣不可守以為貞也

象曰節亨剛柔分而剛得中

剛柔中正則不偏二五得中則不過先偏勝有當可節亨以此

苦節不可貞其道窮也

苦則節道窮極而不可行

說以行險當位以節中正以通

然節固有通而不窮者和悅以行險止其節特善且九五當位以主節推而其節也大中正以通行于天下則信乎節之亨也

天地節而四時成節以制度不傷財不害民

天地節陰陽而不道則寒暑調而四時成聖人本節儉以立則不傷財即不害民。此以天地起聖人言聖人與天地同節

象曰澤上有水節君子以制數度議德行

數度所以辨分制之以節民用德行所以立身議之以節民行制有限制而不敢踰意議有評議而不敢苟意

初九不出戶庭无咎

陽到得正居節之初未可以行能節而止者也知止
不怠无咎

象曰不出戶庭知通塞也

通塞時也知之故不于塞求通

九二不出門庭凶

二當可行之時而失到不正上無應與徒知節而不
知通以隱為高者也潔身亂倫凶矣

象曰不出門庭凶失時極也

失時已甚

六三不節若則嗟若无咎

陰不中正非能節者自貽伊戚安所辨咎

象曰不節之嗟又誰咎也

咎無所歸

六四安節亨

柔順中正上承九五一守時王之制自然有節无所

勉强者也為下不倍亨何如之

象曰安節之亨承上道也

中正以通上之節道順而承之乃為安節。言不獨

安于系安于道也

九五甘節吉往有尚

所謂當位以節中正以通者也其節甘而不苦則王

制善而人情慙矣

象曰甘節之吉居位中也

居節之極故為苦節而雖正亦凶然礼奢寧儉故終
悔也

象曰苦節貞凶其道窮也

艱
上下

中字豚魚吉利涉大川利貞

中虛中實一心孚也下悅上巽兩情孚也孚即豚魚
可感而吉况有知乎即大川可濟而利况平時乎然
必信所當信不屬砵乃為利耳

象曰中字柔在內而剛得中說而巽孚乃化邦也

三四柔在內為中虛二五剛得中為中實是此心中然太虛而太虛中却萬理俱實也臣以悅上字君以巽下字則萬邦皆化而作孚矣

豚魚吉信及豚魚也利涉大川乘木舟虛也

誠信之極暨及豚魚乘木是舟虛是孚才與孚合可應變而不窮。木在水上乘木之象外實內虛舟虛之象

中孚以利貞乃應乎天也

天命之孚本无不正止則與天命符合矣

象曰澤上有風中孚君子以議獄緩死

議獄以求其生即不可生者亦姑緩其死此中孚之

意

初九虞吉有他不燕

中孚之初上應六四度其可信而一意信之則因不失親吉也復有他焉則失其所度之正而不得所安矣

象曰初九虞吉志未變也

從正之志未變遷也

九二鳴鶴在陰其子和之我有好爵吾與尔靡之

九二中孚之寶九五以中孚之寶應之廢歌喜起故有鶴鳴子和之象所以然者以二有懿德五六靡之蓋天理自孚所以天機自和。兩象一意上言彼此

相孚下原其所以孚也

象曰其子和之中心願也

中心願慕不期應而自應

六三得敵或鼓或罷或泣或歌

陰不中正以居悅極而與上九為應以我无怛應彼不通是得敵也故不能自主而作止无常憂喜靡定此雖三罪敵亦與有責矣

象曰或鼓或罷位不當也

由位不當无中孚之德故也

六四月幾望馬匹亡无咎

居陰得正位近于君德位兼陰如月幾望然初與已

匹四乃絕三而上以信于五如馬亡其匹則无樹克之咎矣

象曰馬匹亡絕類上也

絕類以上信

九五有孚挛如无咎

剛健中正以居尊位而下應九二與之同德相孚之情挛固莫解而化邦治成天何咎

象曰有孚挛如位正当也

由五有中正之德而當尊位也一德交孚自然團結上九翰音登于天貞凶

居信之極不知交通翰音登天之象雖得其貞拚情

忤勢亦凶道也

象曰翰音登于天何可長也

信非所信非長久之道也

震上下

小過亨利貞可小事不可大事飛鳥遺之音不宜上宜下大吉

陰多于陽小者小過也既過于陽勢亦可享然必利于守貞守貞何如卦有可小不可大之義宜下不宜上之象故處小過者僅可小事不可大事而即其小事亦須收斂卑抑如飛鳥遺音下而不上斯為守貞而大吉矣。小宜下正是貞大吉即亨

彖曰小過小者過而亨也

陰小既過亦可有為而亨

過以利貞與時行也柔得中是以小事吉也

小過之時當守分義二五柔而不過故可小事

剛失位而不中是以不可大事也

三四剛而過恭故不可大

有飛鳥之象鳥飛鳥遺之音不宜上宜下大吉上逆而

下順也

卦之內實外虛有飛鳥之象鳥群所謂飛鳥遺之音者正以時當小過上人則逆下人則順也

象曰山上有雷小過君子以行過乎恭喪過乎哀用過

乎儉

行已過恭不道傲執喪過哀不道易剝用過儉不道
奢皆可謂可小而宜下者也

初六飛鳥以凶

陰柔躁妄應曰強援又居過特上而不下者也盈滿
取灾凶矣。以者以飛致凶

象曰飛鳥以凶不可如何也

言不可救解

六二過其祖遇其妣不及其君遇其臣无咎

柔順中正其進而事君也過三四而過六五是克其
驕亢而崇其謙抑象猶過其祖過其妣如此則不凌

過其君而遠得乎為臣之分矣是為不及其君過其
臣之道之所安也何咎

象曰不及其君臣不可過也

以臣不可過君

九三弗過防之從或戕之凶

以剛居正衆陰所從害者而自恃其剛不肯道為之
備小人從此中傷而凶矣

象曰從或戕之凶如何也

言凶之甚

九四无咎弗過遇之往厲必戒勿用永貞

當道之時以剛處柔當得无咎所以然者以其弗過

于剛而邊合其小過之宜也。君更以剛往則過矣。故有厲而當戒。然用柔豈遂四之貞乎。當隨時處宜。剛柔迭用不可固守其柔也。勿用永貞。正是上文往厲意。

象曰：井過遇之位不當也。往厲必戒，終不可長也。

井過遇之者，以剛居柔而位不當也。往厲必戒者，以太剛則折而不可長也。易貴當位，在小過之時，反以不當位為喜。

六五：寇至，雲不雨，自我西郊。公弋取彼在穴。

以陰居尊，又當陰過將衰之時，不能有所為，故為不雨。西郊而又取六二之陰，以為助。兩陰相濟，其能濟大。

事耶

象曰密雲不雨已上也

由其道高不能下賢

上六井遇過之飛鳥離之凶是謂災眚

以陰居動上處過極比事弗合于宜而過高甚遠如鳥之飛而且離也其凶何如災眚並至

象曰井遇過之已亢也

亢而不下宜其取凶

離下
坎上

既濟亨小利貞初吉終亂

水火相交六爻得正事所由濟；而日既僅可小亨

時當思慮預防守其貞焉乃利何也人情當濟之初以畏得吉其終則漸以忽而召亂矣故利貞

象曰既濟亨小者亨也

時當既濟惟事之小者亨也

利貞則柔正而位當也

六爻以剛居剛則剛正而剛之位當矣以柔居柔則柔正而柔之位當矣夫剛正則有勵精无好大柔正則有謹密无廢弛此皆貞義故曰利貞

初吉柔得中也

既濟之功而柔得中則不躁不弛所以得吉

終止則亂其道窮也

既濟之終人有止心則別致乎亂而治道窮故當利貞以保之

象曰水在火上既濟君子以思患而豫防之

思以心言豫以事言

初九曳其輪濡其尾无咎

既濟之初誠能凡事謹戒如車曳輪而不前狐濡尾而不濟則敬慎不败无咎

象曰曳其輪義无咎也

敬慎如此義无咎

六二頰喪其茀勿逐七日得

二以中心應五宜得行其志而五居濟極不能下賢

以行其道故二猶婦喪其葬而失所以行也然中心
之道不能終廢元事求行而特至則行矣不猶喪葬
者勿遂七日得乎

象曰七日得以中道也

得濟之中道在我不終窮也

九三高宗伐鬼方三年克之小人勿用

以剛居剛是兵師以討不廷而又需時以收底定如
高宗伐鬼方至于三年而後克之蓋不敢縱敵而又
不敢輕動也然豈可任小人而倖功乎此見兵不可
輕舉而人不可妄用也。用一小人是平一乱又生
一乱也勿用之戒深矣

象曰三年克之憊也

師老財匱困憊已甚

六四繻有衣洳終日戒

既濟之時以柔居柔是保邦之術无不預備而又常存戒慎也如乘舟者防繻已有衣洳而又終日戒者。衣洳所以塞舟之罅漏者

象曰終日戒有所疑也

有所疑畏故終日戒

九五東鄰殺牛不如西鄰之禴祭實受其福

五雖居尊而時已過不如六二之在下而始得時天與人歸也。故五以祈天保命之道非名失時臣得

時之說

象曰東鄰殺牛不如西鄰之時也實受其福吉大來也
非五不如二之位不如二之時也正以得時故福方
來而未艾。大約要九五因時而知戒意

上六濡其首厲

既濟之極險。休之上終亂時也。而以陰柔處之。惟務
因循。故亂愈極。而陰愈深。如狐涉水。而濡其首。厲何
如夫。

象曰濡其首厲何可久也

言必危也

離坎
上下

未濟亨小狐汔濟濡其尾无攸利

水火不交六爻失位事无所濟故名未濟未濟有將濟之機故亨然須敬慎圖謀方可以濟君補，整頓而急忽繼之如小狐汔濟而濡其尾則終不濟而已何利。汔幾也

象曰未濟亨柔得中也

柔則居心能慎中又處事得宜故亨

小狐汔濟未出中也濡其尾无攸利不續終也雖不當當位剛柔應也

言治法粗舉未出險難之中于此急之是不繼續以求終也然六爻雖不當位而剛柔相應則同心共濟

而有終矣

象曰火在水上未濟君子以慎辨相居方

未濟之時物皆倒置君子慎以辨之使親戚貴賤各居其方則世濟矣

初六濡其尾吝

以陰居下當未濟之初未能自進以圖濟時如狐濡其尾可羞吝矣

象曰濡其尾吝不知極也

極是敵昧于敵慎安得有濟

九二曳其輪貞吉

以陽剛應六五幾于進天幸其居未得中為能自止

于下而不專成如曳其輪然則得為下之心而有濟世之功夫

象曰九二貞吉中以行正也

中在心正在事宅心中順故能以中行正而畫為臣之道

六三未濟征凶利涉大川

陰柔不中正居未濟之時而獨往以濟則立仆而凶然以柔乘剛有倚仗之人將出乎坎有可濟之機若能因人共濟則險難可出故利

象曰未濟貞凶位不當也

位不當是元才德指陰柔不中正言

以貞吉悔亡震用伐鬼方三年有賞于大國
以九居四所為不正而有悔也能勉而貞則可以濟
而悔亡矣然以不正之資欲勉而貞必極其陽剛震
奮用力深久然後能之故為伐鬼方三年而受賞之
象斯所為貞而吉悔亡之道也

象曰貞吉悔亡志行也

震奮功深而才猷克壯濟時之志行矣

六五貞吉无悔君子之光有孚吉

以六居五亦非正也然文明之主則能自新居中應
制又得賢助為能反正成德而吉且无悔王論其治
則禮樂文章煥之以君子之光而一存于中心之字

則天下文明萬邦作孚而吉矣。上吉以天德言下
吉以至道言

象曰君子之光其暉吉也

暉者光之散其光之所散當與天地帝王相暉映何
吉如之。要根孚未

上九有孚于飲酒无咎濡其首有孚失是

以剛明居未濟之極才與時俱可為而自信自泰以
俟天命則无欲速之咎也若濩不事、緘而不反如
狐涉水而濡其首則過于自信而失其當為之義口
是者義也

象曰飲酒濡首亦不知節也